

أيام لا تعوض " فضل العشر ذي الحجة " | #الطريق_إلى_الله | د حازم شومان

حازم شومان

السلام عليكم ورحمة الله وبركاته. الحمد لله وكفى صلاة وسلاما على عباده الذين اصطفى. اللهم لك الحمد كله ولك الملك كله وبيدك الخير كله واليك يرجع الامر كله. اللهم صل على عبدك ونبيك وحبيبك وولييك وصفيك محمد. صلى الله عليه وسلم - 00:00:00
الله اكبر الله اكبر الله اكبر. لا اله الا الله. الله اكبر. الله اكبر والله الحمد. الله اكبر. اخواني في الله احنا الوقتي درس النهاردة بدون مقدمات. درس النهاردة موضوع مهم جدا وخطير جدا. وما فيش وقت ان احنا ندخل فيه مقدمات يا جماعة. درس النهاردة عن اعظم - 00:00:26

وفرصة في حياتك وحياتك. درس النهاردة مش بس عن اعزم فرصة عن اخر فرصة. للاسف الشديد عشان نتكلم بصراحة. قبل ما ندخل في الموضوع يا جماعة. يا جماعة لو طبيب راح - 00:00:46
على مريض فيكشف على المريض فيكشف عليه لقي فيه دور برد. بيكشف اكثر لقي فيه قرحة في المعدة. بيكشف اكثر لقي فيه سرطان. الدكتور هيتربع من انه مرض اكثر؟ وهينبه المريض - 00:00:56
واهل المريض من انه مرض اكثر؟ طبعا السرطان. يبقى اذا ايه اخطر مرض لازم نبه الامة كلها منه الوقتي؟ ايه اخطر مرض بقى في حياتنا؟ ايه اخطر مرض بقى في قلوبنا؟ ان احنا ما عدناش - 00:01:06
فاكرين الاخرة؟ ان احنا ما عايش عندنا تعظيم حقيقي للدار الاخرة. يا اخواني لو انت ماشي في عربية في ضمن طريق اتجاه واحد شارع اتجاه واحد. والمرور ماشي والحركة ماشية والناس مبسوفة. فجأة لقيت عربية جاية في الاتجاه المعاكس وسادة الشارع. والناس وقفت والمرور وقف. الناس كلها هتبقى مخنوقة قد ايه؟ كل الناس هتبقى مخنوقة - 00:01:16
اللي جاي معاكس قد ايه؟ هو انت لما بتعصي ربنا انت اللي بتبقى معاكس؟ الكون كله اتجاه واحد. انت لما بتعصي ربنا انت اللي بتمشي في اتجاه معاكس. الكون كله اتجاه العبادة - 00:01:36

فيها حب ربنا اتجاه الاقبال على ربنا. احنا اللي بمعاصينا يا جماعة الكائن الوحيد في الكون. اللي ماشي في الاتجاه المعاكس. طب وبعدين؟ وبعدين محتاجين وقت فمحتاجين صفحة جديدة مع ربنا. لما يكون واحد عنده مشكلة بينه وبين مدير الشغل فيقوم واحد يقول له انت عايز تصالحه يقول له اه. يقول له احب يوم اليه واحسن يوم ممكن تزوره فيه - 00:01:46
يبقى فاضي يوم الجمعة مسلا. واحب هدية بيحبها جدا الحلويات مسلا. هات له احب هدية وروح له في احب يوم تبدأ معه صفحة جديدة على طول هو ده اللي احنا هنعمله النهاردة ان شاء الله. ان احنا هنيجي في احب ايام الى الله في الدنيا كلها. عشر ذي الحجة ايام لا تعوض. ما لقتش شعار - 00:02:06

يبقى شغل لي الدرس بتاع الليلة احسن من ايام لا تعوض. مش هتتعوض والله العظيم. مش ما انتيش ضامنة. ما انتش ضامنة السنة الجاية هتجي لك الايام دي ولا لأ. ما انتاش ضامن كم سنة - 00:02:26
قصة في عمرك هيجي عشر ذي الحجة فيها ولا لأ؟ ما انتوش ضامين يا جماعة. الايام اللي احنا هنتكلم النهاردة عن خطورتها الرهيبة. عايزين نيجي لربنا في احب ايام بيحبها. باحب اعمال - 00:02:36
نحبها ونقول له صفحة جديدة يا رب. صفحة جديدة يا رب معك يا رب. هنكتب ايه في الصفحة الجديدة؟ احنا مع بعض الليلة يا

جماعة بازن الله سبحانه وتعالى. موضوع النهارده - 00:02:46

في اعظم فرصة في حياتك وحياتك. يا جماعة العشر الاوائل من ذي الحجة فيهم يوم عرفة. النبي عليه الصلاة والسلام قال بيكفر زنوب سنتين. زنوب سنتين! يا رسول الله يعني اتناشر اتناشر ساعة صيام مش اتناشر ساعة عبادة يا جماعة. مش عبادة يوم عرفة تكفر زنوب سنتين. صيام بس عمل صالح واحد بس في يوم - 00:02:56

يوم واحد بس منها يكفر زنوب سنتين. يعني السنتين دول اربعة وعشرين شهر. والصيام اتناشر ساعة. اتناشر ساعة يكفروا اربعة وعشرين شهر. يبقى الساعة تكفر قد ايه شهرين يبقى السنتين دقيقة اللي في الساعة يكفروا ستين يوم في شهرين. يبقى الدقيقة تكفر يوم. يبقى الدقيقة بيوم. يبقى احنا - 00:03:16

داخلين على ايام هنتعامل فيها بالدقيقة. احنا داخلين على ايام مش هنعسبها بالساعة ولا بالليل ولا بالنهار. هنعسبها بالدقيقة هنعسبها بالسانية. اعظم فرصة في حياتك. اخ اخر فرصة. اخر فرصة ازاي؟ احد الشباب الله يرحمه كان ماشي بالعربية وماشي بسرعة وببشد بقى مع زمايله ومشغل الكاسيت على الاخر. بسرعة - 00:03:36

قضية اتقلبت بك خمس لفات مات الشاب. اليوم اللي مات فيه ده كان اخر فرصة في حياته. يعني ايه؟ يعني العشرة دول اخر فرصة في اخر فرصة مش في حياتنا يا جماعة في السنة يا جماعة السنة هتخلص. ذو الحجة خلاص اخر السنة. يعني احنا دلوقتي في لجنة الامتحان وورقة الاجابة في ايدينا ومش عارفين نجاب. والمراقب قام منادي في - 00:03:56

الميكروفون خدوا بالكم لسة ربع ساعة الورقة تتسحب ربع ساعة! اهو ده النداء اللي جاي لي من ربنا! خدوا بالكم! خلاص لسة ايام والسنة هتخلص! لسه هتخلص الربع ساعة الاخرانية اللي هي زي الحجة عشر ذي الحجة. احنا الوقت يا جماعة ايام الامتحانات بالنسبة للطلبة الطالب اللي قاعد طول السنة غافل - 00:04:16

في ايام هيعوض ويلحق ربنا جعل لنا المواسم دي عشان نعوض ونلحق. يلا قدامك فرصة تلحق اللي سبقك يلا. قدامك فرصة تعوضي اللي فاتك. قدامك فرصة شحن قلبك. قدامك فرصة انك انت تنطلق وتصح وجهتك. اخواني. يا جماعة لسة الباب ما اتقفلس. اللي راح عليه رمضان لسة الباب ما اتقفلس. اللي ما اعتقتش - 00:04:36

من النار في رمضان لسة قدامه فرصة اهو. اللي ما تغفلوش كل زنوبه في رمضان لسة قدامه فرصة اهو. اللي ما كسبش ولا باب من ابواب الجنة التمانية. اللي كانت مفتوحة في رمضان لسة الفرصة - 00:04:56

يا جماعة اللي ما سبتش في رمضان لسة الفرصة اهي. اللي وقع بعد رمضان طوق نجاة اهو. العشرة الاوائل من ذي الحجة. طوق نجاة جاي به الليلة بازن الله سبحانه وتعالى عشان يبقى فيه كهربا في قلبنا. كهربا ايمانية في قلبنا - 00:05:06

خلينا ما نمش العشر تيام دول. افضل ايام الله. افضل ايام الدنيا. اعظم ايام الله في الدنيا وفي التاريخ كلها. هي اللي انا جاي اكلمكم عنها دلوقتي يا جماعة اكلمكم عنها الليلة. خدوا بالكم. دي احب الايام الى الله زي ما هنقول الوقتي. يبقى مش هيعبدوا فيها غير احب العباد الى الله. دي احب الايام الى الله. يبقى مش هيعبدوا - 00:05:23

ده غير اكرت ناس بتحب الله. دي احب الايام الى الله. يبقى مش هيعبدوا فيها غير اكرت ناس ربنا مصطفىها ومختارها. مش كل الناس منتبهة للايام دهيت. الدنيا اخرتها ايه؟ اخرتها ايه؟ لو معك ميت مليار هتسكن في الف شقة هي شقة. ولو انت بصيت لمليون واحدة هتتجوز في الاخر واحدة. هي واحدة. ولو جيت تتجوز الثانية يا تخلعها - 00:05:43

في المحكمة يا هتقطعك في كيس بلاستيك. يا هيكون جا لك عشاء ليلي من الجواز. خلاص بعدها تبقى ما انتش شايف انت بتختار مين اصلا. هي ايه يا جماعة؟ الراجل اللي كان عنده ملايين - 00:06:03

وراح في غيبوبة ولاده حسبوه نام ولا هو ما يعني ما نامش حسبوه نام ولا راح في غيبوبة؟ مسكه الالة الحاسبة بدأوا يقسموا مين هياخد العمارة دي؟ مين هياخد الارض دي؟ مين هياخد الفلوس - 00:06:13

مين هياخد الارباح دي؟ الراجل كان هيموت بقهرته. هم دول سمرة حياتي. اخره الدنيا كده يا جماعة. اخره الدنيا. انت جسمك له احتياجات كل يوم زي النور له احتياجات كل ساعة او كل كزا ساعة زي الاكل والشرب. رح احتياجات كل سانية زي النفس. كذلك

روحك. لها احتياجات كل يوم زي انك تقرا القرآن مرة - 00:06:23

لها احتياجات كل كزا ساعة زي انك تصلي في الجامع جماعة. لها احتياجات كل سانية زي ذكر الله. ذكر الله ايام ذكر الله. اعظم ايام ذكر الله جاية يا اخواني. هي الايام ديت اللي انا جاي اكلمكم عنها امتى بقى؟ امتى يا جماعة؟ الم بأن للذين امنوا؟ لسه ما جاش الوقت امتى؟ امتى هم الدنيا اللي - 00:06:43

عن الانطلاق في العباداة. هتتحرري منه. امتى بقى؟ امتى هم الاخرة هيخلي قلبك ينطلق بك لربنا؟ امتى بقى همة علو الهمة في العباداة هييجي عندنا امتى بقى هتسدد الدين بتاع ربنا؟ دين النعم اللي ربنا مغرقنا بها. امتى بقى هتسدده؟ او هتسدد شيء منه بالاعمال الصالحة. امتى يا جماعة؟ احب الايام الى الله - 00:07:03

انا عايز دلوقتي اقول لكم انها ايام لا تعوض. ايام لا تعوض في كسب الحسنات. ايام لا تعوض في التوبة وتكفير السيئات. ايام لا تعوض في صفحة جديدة مع الله. ايام - 00:07:23

تعوض في النفحات والكرامات والعطاءات. ايام لا تعوض في حب الله. ايام لا تعوض في نيل درجة المجاهدين. ايام لا تعوض في مضاعفة الحسنات مضاعفة الحسنات ايوة. ربنا بيحب المسجد الحرام خلى الصلاة فيه ميت الف صلاة. ربنا بيحب الايام دي. ابن عباس بيقول ان العمل فيها بيضاعف سبعين مرة - 00:07:33

سبعين مرة يعني حرف القرآن مش بعشر حسنات بسبع تلاف! يعني التسبيحة مش بعشر حسنات بسبع تلاف! ايه ده يا جماعة! ده الامام الاوزعي بيقول ان عمل اليوم فيها كأنك غزيت غزوة في سبيل الله. ده بعض السلف بيقول ان صوم يوم فيها بصيام سنة كاملة لله. سبحانه وتعالى. ازاي كده؟ يا جماعة ده - 00:07:53

ايام القفز بقى انت بتقفز فيها اللي هيجهتد فيها يحصل اللي بقى لهم سنين التزموا من اهله. عايزين نجهتد في هذه الايام. اسمع الحديث الخطير ده. اسمعي بقلبك الحديث الرهيب ده هو - 00:08:13

امام كل الاحاديث اللي هقولها لكم النهاردة ان شاء الله يا جماعة صحيحة. بازن الله سبحانه وتعالى. ما من ايام العمل الصالح فيهن ما من ايام العمل الصالح احب الى الله فيها من هذه الايام. ما من ايام العمل؟ اه ايام عمل. ايام شغل. الايام دي مش ايام كلام بقى ولا ايام اه لا لا لا شغل - 00:08:25

حقيقي العمل الصالح الصوم الصدقة الذكر. اي عمل من الاعمال الصالحة. ما من ايام العمل الصالح احب الى الله. احب الى الله. الكلمة دي ما تعديش على اللي بيحب ربنا - 00:08:45

بتحبهم يا رب؟ انا هاعبدك هاعبدك فيهم ليل نهار يا رب. بتحب الصيام فيهم يا رب؟ مش هافطر ولا يوم يا رب! بتحب الذكر فيهم يا رب مش هيبطل لساني زكريا يا رب. بتحب القرآن - 00:08:55

فيهم يا رب اقرب الليل والنهار يا رب. انا باحبك يا رب وهاسبت لك انا باحبك قد ايه فيهم يا رب. ما من ايام العمل الصالح احب الى الله فيها من - 00:09:05

هذه الايام الصحابة قالوا له ولا الجهاد في سبيل الله يا رسول الله؟ يا رسول الله لأ مش معقولة يكون الجهاد آآ الولد جهاد في سبيل الله. ولا الجهاد ازاي يا رسول الله؟ انت - 00:09:15

مش قلت لنا لا اجد عمل يعدل الجهاد في سبيل الله. الراجل جاي بيقول لك يا رسول الله انا دلني على عمل يعدل الجهاد. قال له تستطيع اذا خرج المجاهد ان تصوم فلا تبطل - 00:09:25

وتقوم فلا تفطر قال له ومن يستطيع ذلك. قال له لا اجد. ما فيش. يا رسول الله انت الوقتي جاي تقول لنا ان ده اعزم الجهاد. يا رسول الله مش انت قلت لنا ان المجاهدين لهم - 00:09:35

ميت درجة في الجنة بيتقلبوا في النعيم. ده اعزم المجاهد يا رسول الله. يا رسول الله ده حارثة خد الفردوس الاعلى بساعة جهاد. يا رسول الله ده جعفر - 00:09:45

ابن ابي طالب خد الفردوس طائر مع الملائكة بيوم جهاد في موتى. يا رسول الله ده اعظم من الجهاد ازاي؟ ولا الجهاد في سبيل الله

كرروها في رواية ثانية ولا الجهاد - 00:09:55

ولا الجهاد مرة تالته ولا الجهاد. ازاى يا رسول الله؟ يعني ده اعظم من واحد استشهد في سبيل الله؟ او زي واحد استشهد في سبيل الله؟ هو الشهيد ده الشهيد ده - 00:10:05

الشهيد ده واحد ما فيش الم موت عليه. الشهيد ده واحد بيدخل قبره الارض ما بتاكلش من قبره. عارف لما تكون انت نايم وامك تيجي تصحيك معها طبق كبدة وطبق لحمه وطبق فراخ رومي وطبق انت تبص كده ايه ده! اهو ده بالزبط احساس الدود لما انت هتدخل قبرك بالزبط وليمة وليمة - 00:10:15

هيهجم على الكبد والكلى ولو انت مت وانت شاب هتبقى لسة بتلو. الدود هيبقى في سعادة لا تستطيع ان تصفها. ولا تستطيع ان تتخيلها. الشهيد ما لوش دعوة بالكلام ده - 00:10:35

لما كان الروس بيبادلوا جسس القتلى مع المجاهدين الشيشان. فبعد اربع تيام في المفاوضات جايبين بالكاميرا التصوير. الجسس بتاعة الروس اتعفتن وهي بتتسلم وجسس مجاهدين الشيشان زي ما هي وهي بتتسلم. سبحان الله العظيم! بعد ستة واربعين سنة جابر ابن عبد الله شال جسة ابوه عبد الله ابن - 00:10:45

حرام. حرام اللي استشهد في احد عشان ينقلها لقاه زي ما هو. دمه زي ما هو جسمه زي ما هو. الشهيد يا جماعة زائد ان الشهيد ما لوش دعوة الموت ساعة الموت بيحي الملائكة تنزل رحمة او عذاب. ملك الموت بينزل. الشيطان بيحي عشان يفتنك في اخر لحظة في حياتك. الملاكين اللي كانوا على يمينك وشمالك - 00:11:05

بيسلموا بقى ويقولوا جزاك الله خيرا عن كل مجلس خير اجلستنا فيه فائر. او يقولوا جزاك الله شرا عن كل مجلس سوء. اجلستنا فيه. ازاى؟ ما هو اللي دخلهم القهوة. ملكين دخلوا قهوة. هم مكلفين به في اي مكان. الشاب اللي وداهم نادي. الشاب اللي وداهم مارينا. الشاب اللي دخل ملكين في كل مكان معصية ولا في رحلة - 00:11:25

مختلطة كل دول معهم ملايكة حفظة. بتكتب عليهم. ييجوا في الاخر خلاص ما هماش ما هماش طايقينه. من كتر الاماكن اللي هو دخلهم فيها. الشهيد ما لوش دعوة بالكلام ده خالص - 00:11:45

الشهيد اللي عنده دعوة بفتنة الموت ولا الم الموت ولا تحلل الجسد في القبر. يعني الصحابة مزهولين ولا الجهاد ولا الجهاد. الا حالة واحدة بس ايه يا رسول الله؟ رجل خرج بنفسه وماله - 00:11:55

فلم يرجع من ذلك بشيء ضحى بكل حاجة عشان ربنا. وفي رواية الا ان يعقر جواده وبهريق دمه. ضحى بكل حاجة وفي رواية لا الا يرجع رجوع ثاني. عشان ربنا يعني الايام دي ايام جهاد يا جماعة. الجهاد اللي الرسول قال عليه زروة سنام الاسلام. يعني اعلى حاجة. يبقى لعبادة في الايام دي هتخليك في زروة سنام - 00:12:09

اسلام هتخليك اعلى حاجة في الدنيا كلها. العبادة. العبادة. عايزين نتشجع ونسخن بقى للعبادة. اسمعي معي بقلبك الحديس الرهيب داهو. اسمع معي بقلبك الحديس المزهل ده هو وباقول لكم الاحاديث دي كلها محققة صحيحة ان شاء الله باذن الله سبحانه وتعالى. افضل ايام الدنيا ايام العشر - 00:12:31

ايام الدنيا يا رسول الله افضل ايام الدنيا. الله! افضل ايام الدنيا ازاى؟ افضل من رمضان! افضل من رمضان اللي انت قلت لنا عليه من صام رمضان ايمانا واحتسابا غفر له ما تقدم من ذنبه! ما حدش - 00:12:51

افضل من رمضان اللي قلت لنا عليه. من قام رمضان ايمانا واحتسابا غفر له ما تقدم من ذنبه. افضل من رمضان اللي تفتح فيه ابواب الجنة التمانية فلا يغلق منها باب - 00:13:01

تغلق ابواب النار فلا يفتح منها باب. افضل من رمضان اللي لله فيه كل ليلة عتقاء من النار. ازاى يا رسول الله افضل ايام الدنيا؟ افضل من العشرة الاواخر من رمضان - 00:13:11

يا شباب جمهور اهل العلم ان العشرة الاوائل من ذي الحجة افضل من العشرة الاواخر من رمضان ليل ونهار. ليلهم افضل ونهارهم افضل. ازاى هو ربنا سبحانه وتعالى اللي علمنا كده سبحانه وتعالى؟ افضل. يعني المجهود شوفوا المجهود اللي بزلناه في العشر

الواخر من رمضان. احتكاف - 00:13:21

وصدقات وزكاة وتراويح وتهجد وختمات وذكر ودعوة يا رب العشر تيام دول المجهود يبقى اكبر اكبر لانهم افضل عند ربنا العشر
الواخر من رمضان. ولو ما خرجتنيش معي الليلة غير بالكلمة دي كفاية علي. لو ما خرجتش معي الليلة غير بالكلمة دي انت خرجت
باخطر حاجة في الموضوع ان العشرة الاوائل من - 00:13:41

ذي الحجة اخطر من العشرة الاواخر من رمضان. شوفوا عملنا ايه في دول يبقى هنعمل ايه في دول اكتر يا جماعة افضل من
عاشوراء اللي صيامه بيوم صيامه بسنة ذنوب افضل من العاشوراء اللي ربنا شق البحر فيه لموسى افضل. افضل ايام الدنيا ايام
العشر. عارفين عشر ذي الحجة - 00:14:01

بالنسبة لباقي الايام عاملين زي ايه؟ زي مكة والمدينة بالنسبة لسان فرانسيسكو ووسط افريقيا كده بالزبط. بالزبط. زي شرف هزه
الاماكن على باقي بقاع الارض. بالزبط يا جماعة دي اعظم ايام الدنيا. امال ايه اعظم ايام الاخرة؟ اعظم ايام الاخرة اه ما هو ما دام
اعظم ايام الدنيا لازم نفكر اعظم ايام الاخرة. ليه؟ هاقول لكم الوقتي ليه؟ اعظم ايام الاخرة - 00:14:18

يوم المزيد يوم ما تبقى انت في الخيمة بتاعتك وانت في الخيمة بتاعتك لؤلؤة مجوفة. ستين ميل طول وستين ميل عرض. يعني
ستين آ ستين ميل يعني كم يعني تسعين كيلو متر طوله وتسعين كيلو متر عرض! ازاي ده! ده ده الشقة اللي اتباعت بخمسين مليون
جنيه في القاهرة كان مساحتها الف متر! الف متر! تخيل كل متر فيه - 00:14:38

نعيم قد ايه؟ امال دهيت كل متر في التسعين كيلو طول وعرض فيه نعيم قد ايه؟ الملايكة تيجي تخط عليك وتخط عليك. الله
يستزيركم. تروح على كسبان مسك ومنابر نور وكراسي من لؤلؤ وزبرجد. كل واحد يجلس في مكانه ويكشف الحجاب وننزل الى وجه
الله سبحانه وتعالى. وننظر الى - 00:14:58

لوجه الله سبحانه وتعالى. فما نعطى شيء احب الينا من النظر لوجه الله. يا عم ده يوم المزيد! ده اعظم ايام الاخرة؟ اه. يعني عايز
تقول ايه؟ عايز اقول اجتهد في اعظم ايام الدنيا عشان تفوز باعظم ايام الاخرة. اجتهد في اعظم ايام الدنيا عشان تفوزي باعظم
ايام الاخرة. افضل ايام الدنيا - 00:15:18

ايام العشر. اسمع الحديس الخطير دهو. اسمعي الحديس العظيم دهو. ما من عمل ازكى عند الله ولا اعظم اجرى من خير يعمله في
عشر الاضحى. ازكى عند الله يعني ايه؟ يعني لما صحيفتك هتطلع تتعرض على ربنا كده مسلا يوم اتنين او خميس او اي يوم -
00:15:38

عمل الله يفرح بك بسببه ويحبك بسببه هو الايام الحاجات اللي عملتها في عشر ذي الحجة. ولا اعظم اجرا يعني ايه؟ يعني يوم
القيامة لما تيجي تقف على الميزان بتاعك - 00:15:58

اكتر اعمال تلاقيها ثقيلة في الميزان وتقل ميزانك هي اللي انت عملتها في عشر ذي الحجة. ايه ده! طب اسمع الحديس الخطير ده
بقي كمان. اسمع الحديس الرهيب ده هو بس بقلبك بقلبك. النهاردة عايزين نعيش بقلوبنا. لان النهاردة يوم اسبات حب الله. النهاردة
يوم البرهنة على حب الله. النهاردة اكبر - 00:16:08

اكتر ناس هتتحرك قلوبها اللي بتحب الله. سبحانه وتعالى احب الى الله. ما من ايام احب الى الله ولا اعظم عند الله العمل فيهن من
هذه الايام. فاكثروا فيهن من التسبيح والتحميد والتهليل والتكبير. سبحان الله والحمد لله ولا اله الا الله والله اكبر - 00:16:28
من ايام احب الى الله دي ما بتشعللكش اعظم عند الله دي ما بتقومكيش فاكثروا فيهن دي يا رب ده انا مش هبطل فيهم يا رب

سبحان الله! والحمد لله قولوها معي دلوقتي ولا اله الا الله - 00:16:48

الله اكبر سبحانك يا رب! متحبهم يا رب! مش هابطلهم ليل ولا نهار يا رب! مش هابطلهم يا رب! يا اخواني! يا اخواني في الله! عايزين
نعرف فضل الايام دي - 00:17:01

الايام دي ورمضان اتذكر في القرآن مرة في سورة البقرة. دول اتذكروا اربع مرات. اربع مرات عشر ذي الحجة. قال تعالى والفجر وليال
عشر. اقسام ربنا بعشر ذي الحجة والعزيم لا يقسم الا بعظيم - 00:17:11

طب ليه الفجر وليال عشر؟ الفجر ده اعظم عبادة في اليوم والليالي العشر اعظم عبادة في السنة. الفجر ده اكثر عبادة مشهودة من الملايكة في اليوم والليالي العشر اكثر عبادة مشهودة من الملايكة في - 00:17:25

سنة ليال عشر والشفع والوتر ربنا بيقول بعدها؟ هل في ذلك قسم لذي حجر؟ لذي عقل! هو فيه عقل يضيع المواسم دي! هو فيه عائل يفرط في المواسم دي طب اللي يفرط يا رب؟ طب اللي يضيعها يا رب؟ طب اللي يستهتر بها يا رب؟ يقول الكلمة اللي في اخر السورة كلا اذا دكت الارض دكا دكا - 00:17:35

الارض بتتك فجأة فجأة واحنا ماشيين عليها الارض بتدك دك دك ورا بعضه. وجاء ربك ربنا. والملك صفا صفا والملايكة. وجيء يومئذ بجهنم الله! احنا فين الوقت يا جماعة! احنا منتظرين العرض على الله. احنا في اللحزة اللي لرسول الله صلى الله عليه وسلم قال عليها يحشر الله الناس الاولين والآخرين. كله - 00:17:55

لميقات يوم معلوم. قياما اربعين سنة. يفضلوا واقفين على الهجوم اربعين سنة. شاخصة ابصارهم من اللي شافينه. مش قادرين يغمضوا عينيهم. ثم بعد بعد هذا منتظرين فصل القضاء من الله سبحانه وتعالى. اربعين سنة نفضل مستنيين العرض! الله! طب ما رمضان ثلاثين يوم وعشر زي الحجة - 00:18:15

اكثر من اربعين يوم نعبد ربنا في اربعين يوم ربنا يهون علينا الاربعين سنة باذن الله. طب اللي مش هيعبد هيعمل ايه؟ يقول يا ليتني قدمت بحياتي كلا اذا دكت الارض دكان دكة وجاء ربك والملك صفا صفا وجيء يومئذ بجهنم يومئذ يتذكر الانسان وان له الذكرى يقول - 00:18:35

يا ليتني قدمت لحياتي. يا ريتني ما ضيعت المواسم دي. يا ريتني ما ضيعت عشر ذي الحجة. يا ريتني ما ضيعت الفضل ده. يا ريتني ما استهترت. يا ريتني. بعد ايه - 00:18:55

ايه المرة الثانية اللي ربنا ذكرهم في القرآن ووعدنا موسى ثلاثين ليلة واتمناها بعشر اهل التفسير بيقولوا العشر دي عشر ذي الحجة ما لقتش ولا قال غير كده. واتمناها بعشر ذي الحجة. فتم ميقات ربه. يا جماعة ربنا ادى لموسى ميقات اربعين يوم. واحنا لنا مقاتل اربعين يوم. ثلاثين في رمضان وعشرة في ذي الحجة - 00:19:05

مش هيتم النقاب غير بعشرة ذي الحجة. احنا بيننا وبين ربنا ميقات. لما تمنا الجزء الاول الثلاثين يوم ربنا ادا العيد الصغير. لما نتمم الجزء الثاني لعشر تيام اربعين يوم يديني العيد الكبير. انما العيد لمن اطاع الله. العيد هو الفرحة الحقيقية بالطاعة يا اخواني. ووعدنا موسى يا موسى. انت كلمتني مرة من سنين - 00:19:25

سنين طويلة لما كلمتك عند جبل الطور يا موسى وقلت لك رح لفرعون وهات بني اسرائيل يا موسى. انت السنين دي كلها كان الوصفة بيني وبينك جبريل. ما كلمتكش ثاني. السنين دي انت - 00:19:45

نفزت المهمة وخذتهم وفي شهر محرم في عشرة محرم في السنة اللي احنا فيها دهيت خدتهم وعديت بهم البحر الاحمر يا موسى. انا مكافأة لك هاكلملك بس على شرط اربعين يوم تقعد على جبل الطور تعبدي ليل نهار. ما تاكلش ما تشربش ما تنمش. تعبدي بكل قوتك. اخر الاربعين يوم - 00:19:55

اللي هم عشرة ذو الحجة هاكلملك يا موسى. ياه! ياه! يا رب! ده ايام رهيبة يا جماعة! ده ايام خطيرة يا جماعة! ده ايام كلها روحانيات رهيبة يا جماعة ربنا بيقول ويذكروا اسم الله في ايام معلومات. عشر ذي الحجة. وشاهد ومشهود. المشهود اللي هو يوم عرفة اللي الملايكة كلها بتشهدده. وربنا - 00:20:16

بيشهد الملايكة على عبادة المؤمنين فيه. يا سلام يا رب! يعني يعني الموضوع كبير كده! اه. بس قبل ما اقول لك انها ايام لا تعوض في كسب الحسنات زي ما قلنا. ايام لا تعوض - 00:20:36

في حب الله زي ما قلنا. ايامنا تعوض في تحصيل درجة المجاهدين زي ما قلنا. انا عايز افكركم ثاني انها اعظم من العشر الاواخر من رمضان. شوفي في العشر الاواخر اليوم - 00:20:46

اللي قريت فيه عشرة اجزاء وصمت فيه وصليت التراويح والتشهد. وفضلت طول اليوم ما تناميش. تخيلي بقى دول هتعملي فيهم

ايه؟ تخيل دول هتعمل فيهم ايه ايام لا تعوض في ايام لا تعوض في الكرامات والنفحات والعطاءات. يا جماعة انا عايز اقول لكم حاجة خطيرة جدا. الايام دي هي اللي ربنا - [00:20:56](#)

فيها الفداء على سيدنا اسماعيل وسيدنا ابراهيم. يا سلام! اه الايام دي هي اللي ربنا كلم موسى في سورة الاعراف. الله! الايام دي يا اللي ربنا تجلى للجبل في سورة - [00:21:17](#)

كان يوم عرفة. الله! الايام دي زي قول قتادة. الايام دي هي الايام اللي ربنا كتب اللواح فيها لموسى التوراة. الايام دي هي الايام اللي ربنا قال لسيدنا محمد اليوم اكملت لكم دينكم واتممت عليكم نعمتي. اللي ربنا كمل لنا الدين فيه. الايام دي اللي فيها يوم الحج الاكبر. الايام دي يا جماعة حتى روي ان سيدنا داود توبة الله - [00:21:27](#)

عليه فغفرنا له ذلك يوم عرفة. روي بس الباقي ده سابت ان شاء الله. انما ديت رويت لا اعلم لها سند. يعني تخيلوا الايام ديت شكلها ايه؟ شكلها ايه؟ وصفها ايه - [00:21:47](#)

الايام ديت عظمتها عند ربنا ايه؟ ربنا وصف لنا عظمة الايام دي في القرآن. وخذ الاحداث اللي حصلت فيها. من ضمن الاحداث الرهيبة. لما سيدنا الرب هب لي من الصالحين. فبشرناه بغلام حليم. فلما بلغ معه السعي خلاص. ابنه كبر. ابنه يبقى معه. ابنه قدام ورايح جاي معه في الدعوة وفي نصرة الدين - [00:21:57](#)

رايح معه جاي معك قال يا بني انا اري في المنام اني اذبحك كل المنام يا ابني اشوف مذبحك. طب يا رب ده تقول لي ليه يا رب؟ ما قالش كده. انت ادته لي ليه؟ طب ما كنتش تدبه لي ما كنتش اشوفه واحبه - [00:22:17](#)

هلاً بيلاقى تشوفه وتحبه بعد كده ابقى انا اعلو عندك منه. بعد ما تحبه انا اري في المنام اني اذبحك. يا رب يا رب ابني ابني ولا ربنا ربنا روحي ولا ربنا ربنا. ربنا اعلو. اللي مش قادرة تسيب آ شهوة عشان ربنا اللي مش قادر يسيب شهوة عشان ربنا. فانزر مازا ترى. انت شايف ايه؟ قمة - [00:22:28](#)

قال يا ابتي قمة الرحمة من الابن بالاب ومن الاب بالابن. يا ابت افعل ما تؤمر. هتعمل ايه يا اسماعيل؟ ستجدي ان شاء الله من الصابرين. صبر! هتصبر على ايه هتصبر على علاقة مع بنت قاسمة؟ هتصبر على نمرتين في محمود انك هتمسحهم؟ هتصبر على ساعتين وقفة قيام ليل؟ هتصبر على توبة هصبر على الدبح - [00:22:48](#)

هتصبر على الدبح عشان ربنا انا اري فانظر ماذا ترى. قال يا ابتي افعل ما تؤمر ستجدي ان شاء الله من الصابرين. وفي اللحظة المرتقبة ياخذ ابراهيم اسماعيل ويخرج به وامه بتنظر ما هيش عارفة هو يوديه فين. ويخرج. وفي اللحظة المرتقبة ينيم اسماعيل. فلما اسلما فوراً فوراً - [00:23:08](#)

لبيك اللهم لبيك. لبيك اللهم لبيك. لو احط السكينة على رقبة ابني يا رب. لبيك اللهم لبيك لو هسيب ابني وعنده سنتين في الصحراء يا رب. لبيك اللهم لبيك كل شيه في حياتي عشانك يا رب. لبيك فلما اسلما وتله للجبين. نيم اسماعيل على وشه عشان ما يشوفوش والدم بينزل من رقبتة. وبدأ يدبح به السكين - [00:23:28](#)

يوجهها ويجيبها. ما فيش دم بينزل. يوديه ويجيبها. السكينة ما بتغرزش. يوديه ويجيبها. ابنه ما بيموتش. يوديه ويجيبها عشان يخلص. قال لما اسلمه وتله للجبين وناديناه ان يا ابراهيم قد صدقت الرؤيا خلاص يا ابراهيم. فديناه بذبح عظيم. انت فاكِر - [00:23:48](#)

انك انت ان انا مش ارحم بكم من نفسكم. ده انا ارحم بكم من نفسكم. انا ما بابتلكوش عشان اعذبكم. انا بابتليكم عشان ارحمكم عشان اختبر صدق الايمان اللي في قلوبكم - [00:24:08](#)

ده كان في العشر الاوائل من ذي الحجة يا جماعة. ايام عظيمة. احداثها عظيمة. كرامتها عظيمة. يا اخواني العشرة الاواخر من رمضان ورمضان كله. كان ابوه باب الجنة التمانية مفتوحة على مصراعيها. انما في العشرة دول في عرفة يوم عرفة. اربعة مليون واحد كل واحد بيدعي ربنا عشرات الدعوات. مئات الملايين من - [00:24:18](#)

الدعوات بتصعد لربنا في نفس اليوم. وكلها بتجاب من عند الله باذن الله ورحمة الله. الا ان يشاء الله سبحانه وتعالى. يعني زي ما

رمضان ابواب الجنة كلها مفتوح على مصراعها ايام عشر ذي الحجة ابواب الخزائن كلها مفتوحة على مصراعها. كلمة يا رب فيها ان شاء الله مجهدة. كلمة يا رب فيها ادعى انها - [00:24:38](#)

اصعد للسماء تفريج الكربات فيها عظيم. بس احنا نعبد ربنا. سبحانه وتعالى. ايام لا تعوض ايام لا تعوض في مضاعفة الحسنات. مضاعفتها ابن عباس يا اخواني. لما قال سبعميت ضعف على الحسنة. والامام الاوزعي والاثار اللي قلتها لكم. يعني ايه؟ يعني يعني يا جماعة - [00:24:58](#)

هنخرج منها اغنى من بيل جيتس يا جماعة. يعني يا جماعة ناكل بقلوة يوم القيامة بقى نشغل بقى. نجتهد بقى نقفز بقى نتقدم نتطور تقدم بعلاقتنا بالله سبحانه وتعالى. الايام دي الناس ما نامتش فيها. سيدنا موسى فضل العشر تيام صايم بيعبد ربنا. سيدنا ابراهيم بنى في يوم الكعبة وعارف وعمل - [00:25:16](#)

اسلوب المناسك سيدنا ابراهيم وكاد يزبح ابنه عليهم السلام والصلاة والسلام. سعيد ابن جبير كان بيقول اذا جاءت ليالي العشر من ذي الحجة فلا تطفئوا ما فيش نوم ما عدش فيه نوم. خلاص دي ايام عبادة وشغل. يعني اللي ما حشش قدامه فرصة اهو. اللي ما حشش ربنا بيعوضه اهو. يعني اعمل ايه؟ يعني زي - [00:25:36](#)

اللي بيحجوا هناك هنعمل هنا يا جماعة. اللي بيحجوا هيقولوا لبيك اللهم لبيك. جايين لك يا رب واحنا هنا هنقول لبيك شعارنا هنا وهناك لبيك جايين لك يا رب هنفز امرك يا رب. اللي بيحجوا هيسعوا ما بين الصفا والمروة واحنا هنا هنسعى. هنسعى بكل طاقتنا في العبادة - [00:25:56](#)

والصلاة والصوم والذكر. اللي بيحجوا يا جماعة هيطوفوا حوالين الكعبة. واحنا قلوبنا هتطوف حوالين العرش من الشك لله. اللي بيحجوا يا جماعة هيروحوا في منى يرموا الجمرات يرحموا الشياطين. احنا هنا يا جماعة هنرجم شياطين الانس والجن. نقول ما فيش في حياتنا غير ربنا. اللي بيحجوا يقفوا في مزدلفة. من الزلفة يعني القرية الى الله - [00:26:14](#)

احنا هنتزلف ونتقرب الى الله هنا بكل طاعة. اللي بيحجوا هيقفوا في عرفة. واحنا هنا هنعرف هنعرف يعني ايه؟ يعني هننزل المساجد نعتكف. زي ما الفقهاء وزي كبار التابعين والسلف قالوا هننزل في المساجد نعتكف يوم عرفة. يوم عرفة نعرف. يعني هننزل احنا كمان نعبد لك يا رب يوم عرفة. ليل نهار طول اليوم يا رب - [00:26:34](#)

يعني احنا هنجتهد اشد الاجتهاد. ايام لا تعوض. ايام لا تعوض يا جماعة. ايام لا تعوض في تجديد الشحن. تجديد الشحن يا اللي يا اللي خرجت من رمضان ووقعت يا اللي لسة فيه نمرتين على محمولك مش عارف تمسحهم. يا اللي لسة فيه شريطين في عربيتك مش عارف تشيلهم. يا اللي لسة فيه اختلاط في حياتك ما انتيش قادرة انك انت تتخلصي - [00:26:54](#)

منه. يا اللي لسة فيه معاصي مش قادرين انكم تسببوا. يا اللي يا اللي لسة متردد متذبذب. يا اللي عايز كمان زقة. الايام دي جاية تجدد الشحن. زي بالظبط كده سلك - [00:27:14](#)

الكهريا كل شوية يدخل في عمود نور ليه ؟ يجدد الشحن بتاعه. فيه عمود في رمضان. بعد كده عمود في عشر ذي الحجة. احد اخواني من الدعاة يعني ربنا يبارك في الدعاء - [00:27:24](#)

جميعا بيقول انا التزمت في رمضان كت هقع بعد رمضان خلاص جاي اقع قامت جاية عشر ذي الحجة اتسندت لغاية الوقت ما شاء الله لا يزال على الطريق ربنا يثبتنا جميعا. الايام دي تسببت رهيب على الطريق - [00:27:34](#)

تتببت عظيم على الطريق الى الله سبحانه وتعالى. الايام دي يا جماعة يعني ده فيه ناس ما استحمتش من رمضان يا جماعة شهرين. قلبها ما اتغسلش من ايام رمضان اغسل بقى نطهر بقى. ننصف بقى. الايام دي يا جماعة. الايام دي ايام لا تعوض في التوبة الى الله. لا تعوض في التوبة الى الله. بعد عرفة بعد عرفة - [00:27:47](#)

بعد تكفير سنتين بيوم صيام. لسة بعس النار هيبقى تسعمية تسعة وتسعين من كل الف. هي زنوننا دي ايه! هي زنوننا دي! يا جماعة الامة بتروح هناك وتقع ويفضلوا يتوبوا لبيك اللهم لبيك. لبيك ثم ماذا - [00:28:07](#)

لبيك ثم ماذا؟ المرابي بيروح هناك يهتف لبيك ويرجع يرابي الموزف المرتشي بيروح يقول لبيك ويرجع يرتشي. الراقصة بتروح

ترقص وترجع ترقص ثاني. لبيك ثم ماذا؟ الامة بتروح تقول لبيك وهنا - [00:28:24](#)

يقول لبيك ثم ماذا نرجع زي ما كنا لأ عايزين نتغير بقى. عايزين الايام دي تأسر في قلوبنا بحق وحقيقي بقى يا جماعة. اول حاجة ربنا بيخلينا نستلمها في الحج - [00:28:38](#)

الحجر الاسود. اول ما ندخل الكعبة ونبدأ الحجر الاسود بنستلمه. ليه؟ ربنا بيقول لك شف ده من الجنة. افكر الهدف اللي انت بتشتغل عشانك. افكر الهدف قبل ما تشتغل افكر - [00:28:48](#)

الهدف عشان تشتغل بكل بطاقتك. وشف اسود ازاي. اسود بزنبوك وزنوبك. اسود بزنبونا. شف الزنوب بتعمل ايه. اهو انت حياتك اسودت واظلمت بسبب عايز تنور ثاني؟ عايز تفتح ثاني عايز تزهه ثاني؟ تب لربنا سبحانه وتعالى. عايزين نتوب بقى فرصة ان احنا نفتح صفحة جديدة - [00:28:58](#)

مع ربنا. فرصة يا جماعة. فرصة ان كت يعني سمعت خبر من يومين. احد المغنيين جاي في العيد عندنا عشان يغني يعمل حفلة. قلت يا رب يا رب هو مش خايف منك يا رب. هو هو مش خايف انه يموت قبل الحفلة ديت ويتحاسب على التسع شهور حفلات اللي حاجزهم في التسع شهور الجايين دول. ده المتبرجة اللي كاشفة شعرها - [00:29:18](#)

اللي بتقف قدامه في الحفلة من عشر تلاف واحدة متبرجة ملعونة مطرودة من رحمة ربنا زي ما اخبر النبي زي ابليس. عليه زي ما اخبر النبي عليه الصلاة والسلام مطرودة من - [00:29:38](#)

ربنا زي ابليس. اومال اللي واقف بقى مخلي كل دول الالوف دول يرقصوا بقى. واقف على الاستاند على خشبة المسرح بيغني. ده عقابه عند ربنا ايه! انت مش خايف تحشر يوم القيامة مع ربنا. عند ربنا - [00:29:48](#)

تحشد يوم القيامة معشرون! انت قاعد تضرب دينك بالمدافع والقذائف تلف في كل مكان تحارب الاسلام! تحارب الدين! انت تقدر تعمل ايه! انت انت يا جرأتك على ربنا! يا قلبك - [00:29:58](#)

انت مش مرعوب ازاي؟ انت مش خايف من انتقام ربنا ازاي؟ ده انت لو شتمت لوا مش هتتعرف تنام في بيتك. هتخاف من انتقامه منك. طب انت حاربت ربنا مش خايف من ربنا؟ مش خايف منه ازاي؟ مش خايف - [00:30:09](#)

وانت واقف في الهواء الطلق ماسك المايك كده وقاعد تغني والناس قاعدة ترقص. مش خايف نزرة غضب من ربنا. تقسمك وانت واقف تغني وربنا يخليك عبرة قدام الناس دي في الدنيا وما انتاش خايف يوم القيامة ربنا يجيبك قدام كل اللي حضره لك. قدام كل اللي رقص قدامك يجيبك قدامهم ينكل بك قدامهم. يخليك عبرة قدامهم - [00:30:19](#)

اللي ما يحاسبهم على انهم حضروه لك انت مش خايف ازاي انت انت فاكر انك بتعصي ربنا. انت مش بتعصي ربنا. اللي بيعصي ربنا ده اللي بيص بصة حرام. اللي بتبص بصة حرام. انت بتحارب ربنا. انت بتكره ربنا. ابوة انت بتكره ربنا - [00:30:39](#)

لأنك انت ما فيش واحد بيحب ربنا هيدفع تزكرة حفلتك. ما فيش واحدة بتحب ربنا هتحضر لك ابدًا. انت مش هيحضر لك غير اللي بيكرهه ربنا زيك. انت مش هيحضر لك غير المتمردين على ربنا زيك - [00:30:52](#)

انت مش هيحضر لك غير اللي مديين زهرهم لربنا. اللي معدين ربنا. اللي جاحدين نعم ربنا. يعني انت شهرتك كلها مبنية على ان اللي بيكرهه ربنا يكرهه. انت شهرتك كلها - [00:31:02](#)

او سروتك كلها مبنية على ان اللي مع دين ربنا يكرهه. لو دول قال له انت هتقفل مش هتكسب حاجة. مش هيبقى عندك اي شهرة ولا اي زكر. انت كل ارتفاعك على ان الناس تكره ربنا - [00:31:12](#)

وتعرض عن ربنا اكثر. فيه حرب لربنا بعد كده؟ فيه تمرد على ربنا بعد كده؟ انت تعرف فيه شباب كثير اوي ما رضوش يحضروا لك. عارف ليه؟ بس هم نفسهم - [00:31:22](#)

ضروري جدا بس عارف ليه؟ لان هم قعدوا يفكروا في صراع جواهم. هو ولا ربنا. هو ولا ربنا. هو ولو في الاخر قالوا لأ. ربنا. انت عارف يعني ايه؟ انت بقيت - [00:31:32](#)

يا انت يا ربنا. انت بقيت يا انت يا ربنا. انت بقيت سد بين الناس وبين ربنا. انت تعرف ربنا ممكن يعمل فيك ايه؟ فوق. فق بطل تمرد

على ربنا - 00:31:42

ما تخليش حد يضحك عليك. انت متمرد. متمرد على اللي خلقك محارب للي خلقك. يا جماعة العشرة الاوائل من ذي الحجة فرصة ان احنا نتوب. ان احنا ننصف ان الامة كلها تنصف - 00:31:52

ان الامة كلها تفوق. ان الامة كلها ترجع لربنا يا جماعة ما فيش سبب من اسباب اهلاك الامم الا بقى موجود عندنا. يا جماعة شعيب ربنا اهلكم بسبب الغش والغش بقى عندنا منتشر. سمود ربنا اهلكم بسبب الخمر والفجور. حتى اللي دبح الناقة بتاعة سيدنا صالح كان شارب الخمر قبلها. والفجور بقى منتشر - 00:32:02

عاد ربنا اهلكم بسبب الكبر على النصيحة. انا كده كويس ما حدش يكلمني. والكبر على النصيحة بقى عندنا منتشر. احنا في ايه سبب من اسباب اهلاك الامم؟ ما عدش موجود - 00:32:22

عايزين نفوق عايزين نفوق يا اختي. اللي ماشية في الشارع حاطة برفان. انت حاطة برفان وفرحانة ليه؟ فرحانة وماشية ده ده يبص لها وهي فرحانة جدا يا بنتي انت انت هتغيري اسم عريس اتكتب من خمسين الف سنة! ده ان كان اتكتب عريس يعني. ده ان كان اتكتب يعني. فرضا ان اتكتب عريس اسمه من خمسين الف سنة. مش هيفرق معه بقى ان - 00:32:32

حطي وان مان شو ولا هتخطي افطر شيف ولا هتخطي خمس خمسات باللون ما هيش فارقة يا بنتي في قسم العريس. فرصة يا جماعة. فرصة لصفحة جديدة مع ربنا كم لا تعوض في التوبة الى الله؟ يعني انا عايز اقول ايه؟ انا عايز ادخل معكم بقى في الكلام الجد بقى. عايز ادخل معكم بقى في الشغل الخطير بقى - 00:32:52

انا عايز اقول لكم قبل ما ادخل معكم احنا البرنامج بتاعنا في العشر الاوائل من ذي الحجة ان شاء الله اللي هيبداوا ان شاء الله فلكيا يوم السبت الجاي. يعني يعني مغرب الجمعة الجاية - 00:33:11

ان شاء الله يبقى هنبدا فلكيا. بس احتمال كبير يبقى يبدأوا الجمعة. يبقى مغرب الخميس. خدوا بالكم يا جماعة. فلكيا يبدأوا السبت. يعني مغرب الجمعة الجاية. يعني بعد اسبوع بالزبط بالزبط - 00:33:21

ولكن الله اعلم ممكن استطلاع الهلال يبقى شكله ايه. فاذا يا اخواني عايزين لما ربنا بيسأل الملايكة لما بيطلعوا لربنا كيف وجدتم عبادي كيف وجدتم عبادي؟ يقولوا له ايه؟ انت لما ربنا هيسأل عنك في العشر الاوائل من ذي الحجة كيف وجدتم عبادي؟ الراجل اللي صحى لقي الجارية بتاعته بتصلي قيام ليل وبتقول يا - 00:33:31

يا رب بحبك لي اغفر لي. فيقول لها يعني قولي بحبي لك. قالت له لا. لولا حبه لي لما اقامني. وانامك. لو بيحبك هيقومك. لو بيحبك هيخليك لو بيحبك هيستعمل لسانك في ذكر العشر تيام دول. هيستعمل جوارحك في طاعته العشر تيام دول. هيستعمل عينيك في قراية القرآن العشر تيام دول. لو بيحبك مش هيخذك - 00:33:50

مش هيخذك طب انا خايف ان انا افطر لا ما تخافشي اهجم احسن وزير اللي ببيجي ما بيدافعش. اهجم خليك هجوم يا جماعة الملتزمين عاملين زي فريق الكورة بالزبط بالزبط زي فريق الكورة، فريق الكورة فيه ناس مهاجمين بيهجموا، وفيه ناس مدافعين قاعدين ورا، وفيه خط وسط في النص لا كده ولا كده، وفيه راس حربة بيفتح السكك المقفولة - 00:34:10

وربنا بيحب عليه الفتوحات للصف كله. وفيه متفرجين قاعدين يسقفوا خلاص. انت ايه؟ انت ايه؟ عايزين نجيب اخرنا. ايام لا تعوض. لا تعوض في الحسنات لا تعوض في صفحة جديدة مع الله. لا تعوض في ثواب الجهاد. لا تعوض في النفحات والكرامات. لا تعوض في مضاعفة الاعمال. لا تعوض. يبقى ازاى ان احنا نضيع - 00:34:30

الايام ديت يا اخوان رمضان من تاني. رمضان من تاني. صيام من تاني. قيام من تاني. مات قرآن من تاني. ذكر من تاني بس رمضان الشياطين كانت مصفدة. فكانت العبادة سهلة. هنا الشياطين مش مصفدة. يعني العبادة اصعب اه. بس السواب اعلى. يبقى العبادة اصعب. عشان مش اي حد ممكن ينال الموضوع - 00:34:50

ولكن السواب اعلى. مش اي حد يقدر ولكن السواب اعلى. فهو ده اللي يحفزنا باذن الله سبحانه وتعالى. عايزين ندخل على المشاريع يا جماعة. المشاريع بتاعتنا ايه مشاريع عايزين كل واحد منا يبقى ملطي مليونير. واحد صاحب آآ مالتني جروب بمجموعة مشاريع

بس مشاريع اخروية مش مشاريع دنيوية. انا معي لكم مجموعة من المشاريع. انا عايزك - 00:35:10

تركز معها بقلبك. وتركزي معك بقلبك. وتركزي معي بقلبك. مجموعة من المشاريع. عملناها في ورقة وباذن الله سبحانه وتعالى. عايزك تركزي معي كويس جدا جدا عشان ده برنامج العمل بتاعنا. دي مشاريعنا. شعارنا في الايام ديت. يا ليتني قدمت لحياتي. الحقي قبل ما تقوليها. شعرنا في الايام دي. لبيك - 00:35:30

اللهم لبيك. شعرنا في الايام دي صفحة جديدة مع الله. في افضل ايام الله عنوان الورقة. صفحة جديدة معك يا رب. صفحة جديدة مع الله في افضل ايام الله. شعرنا في الايام دي رمضان من تاني. مرة ثانية. هنعمل ايه في الايام دي؟ تخطيط بقى مش كلام هرجلة كده وخلاص. اول مشروع يا جماعة - 00:35:50

مشروع ختم القرآن ختم القرآن اه الحرف بعشر حسنات. يعني ثلاث عايزة تختمي في العشر تيام يبقى كل يوم ثلاث اجزاء. يعني هتاخدي في اليوم نص مليون حسنة. نص مليون - 00:36:10

الحسنة استني لا ده الحرف ده الموضوع بيضاعف سبعين سبعين ضعف. سبعيت ضعف في هذه الايام. لو جيتي تحسبها تلاقي الصفحة الواحدة باربعة مليون ومتين الف حسنة. كل السواب ده ممكن الواحد ياخده اه. تخيلوا بقى. طيب هنعمل ايه؟ ثلاث تجزاء في اليوم؟ اه. ولو عايزين زي ما الرسول عليه الصلاة والسلام كان بيختم القرآن كان - 00:36:20

بيختموا على سبع تيام. اول يوم يقرأ اول ثلاث سور. احفظوه مع ثلاثة خمسة سبعة تسعة حذاشر تلتاشر باقي القرآن. اول ثلاث سور. بقرة ال عمران النساء ثاني يوم خمس صور يبقى هيبقوا من المائدة لغاية التوبة. ثالث يوم سبع سور احفظوهم هي بسيطة جدا ثلاثة خمسة سبعة تسعة حذاشر تلتاشر الباقي - 00:36:40

هتلاقي ثلاث سور خمس سور سبع سور. التسع سور من الكهف له الفرقان. بعد كده حذاشر سورة من اول الشعراء لغاية ياسين بعد كده تلتاشر سورة من اول الصافات لغاية الحجرات. اتبقى اليوم السابع من قفل اخر القرآن. تعرف تعملها مرة في العشر الاوائل من ذي الحجة؟ تعرفي تختمي خاتمة زي ما روي عن بعض - 00:37:00

الصحابة عن ختم النبي عليه الصلاة والسلام بالقرآن تعرف تعمل كده؟ تقدري ما انتاشر قادر خلاص يبقى ثلاث اجزاء في اليوم نختمهم مرة. طب السواب ايه؟ السواب يا جماعة القرآن ده عامل زي صيدلية - 00:37:20

صيدلية كل اية فيه دواء لمرض عندنا. انت لما بتعدي اية ما تقراهاش او ما تفهميهاش. انت اتحرمت من ده وهيعالج مرض عندك. ابن مسعود بيقول لا تهزوا القرآن هز الشعر ولا تنصروه نثر الدقل. الدقل ده التمر اللي ما لوش قيمة. اللي ما لوش تمن. البياع بتاع التمر تلاقيه عامل تمر غالي حاطه في علب وتمر لفه في سلوفان - 00:37:30

ايه الدقل ده تلاقيه راميه كده ايه ما لوش تمن اصلا لانه اقل حاجة بيربح منها. احنا انا عامل القرآن كده ان هو اقل حاجة بنربح منها انه اقل ربح في حياتنا لا يا جماعة. ده اعظم - 00:37:50

في حياتنا يا جماعة. ده اكبر ربح في حياتنا. اوعوا تعاملوا القرآن زي معاملة تاجر التمر للدقن يا جماعة. ده فيه تمر بيتلف التمراية في سلوفانية. هو ده اللي احنا عايزينه. كل - 00:38:00

اية تبقى في قلبك في سويداء قلبك القرآن الرفيق المخلص القرآن مش هيسيبك. في الدنيا زي اسيد ابن حضاير وهو بيقرأ القرآن نزلت السحابة الملائكة نزلت. يبقى الكرامات في الدنيا - 00:38:10

مش هيسيبك وانت نازل القبر الرسول عليه الصلاة والسلام لما كان اتنين يستشهدوا في غزوة ينزل الاول القبر الاحفظ للقرآن. مش هيسيبك لحزة البعس وانت طالع يقول لك انا صاحبك القرآن. مش هيسيبك عند الجنة يقول لك اقرأ وارثق ورتل. فان منزلتك عند اخر اية كنت تقرأها. مش هيسيبك القرآن في زل في - 00:38:23

الحر الرهيب. تيجي البقرة وال عمران تروح سحابتين من فوقك. حتى لو قرأت القرآن وبكيت تبقى في ظل عرش الله. رجل ذكر الله خاليا ففاضت عينه القرآن مش هيسيبك. ساعة العرض على الله. يبقى حجاب لك وستر لك من النار يشفع لك عند ربنا. صاحب مخلص بس ما تسيبوش. عشان ما يسيبكش ما تسيبوش - 00:38:43

والا هتلاقي الرسول جاي يوم القيامة. فيه شكوى متقدمة من مين؟ النبي لمين؟ لله. امتى يوم القيامة؟ في مين فيك؟ بيقول ايه؟ وقال الرسول يا رب ان قومي اتخذوا هذا القرآن مهجورا. ده لو اللي احنا بنعمله مع القرآن مش هجره. اومال ايه الهجر - [00:39:03](#)
لو اللي احنا بنعمله مع كتاب الله مش هجر امال الهجر ايه! حد يعرفني الهجر غير اللي احنا بنعمله مع القرآن يا جماعة. المشروع الاولاني مشروع ختم القرآن مشروع حسناته مهولة - [00:39:20](#)

المشروع الثاني مشروع الذكر مشروع الزكر ده ايام العشرة الاولى من ذي الحجة دورة تربوية مكثفة في الذكر. الزكر يا جماعة الا ادلكم على خير اعمالكم رسول بيقول الصحابة. خير اعمالكم. يعني ايه خير اعمالكم؟ يعني لما تدخل لجنة فيه سؤال بخمسة سؤال بتلاتة سؤال باتنين سؤال بعشرين. ده السؤال ابو عشرين. خير اعمالكم - [00:39:33](#)
عند مليكم لما صحيفتك تطلع لربنا اكرر حاجة يحبها هو العمل ده. وارفعها في درجاتكم. يعني لما يقول لك يا عم عايزين نطلع على وش الدنيا دي هتطلعك على وش - [00:39:53](#)

الجنة بقى وازكاها عند ملككم وارفعها في درجاتكم. وخير لكم من انفاق وخير لكم من انفاق الذهب والفضة. لو كل الستات اللي قدامنا طلوعوا ده الليلة وجمعوه كله ووزعوه على الفقراء الليلة لأ ده احسن. الله! ده ايه ده! وخير لكم من ان تلقوا عدوكم فيضربوا اعناقكم وتضربوا اعناقهم. يعني ان احنا نخرج بجاهد الله - [00:40:03](#)
الله هو ايه يا رسول الله ذكر الله. يا رب انت بتحب الزكر اوي كده ليه يا رب؟ ايه ده اصل كلمة زكر دي يعني زكر يعني خليك فاكرني كلمة - [00:40:23](#)

الذكر كأن ربنا بيقول لك خليك فاكرني ما تنسانيش. عشان كده ربنا قال لك خليك فاكرني اوعى الدنيا تنسيك لي. اوعى الدنيا تخليك تنساني. قبل ما تاكل اذكرني بعد ما تاكل اذكرني - [00:40:33](#)
زكر وانت داخل الخلاء فيه زكر وانت خارج من الخلاء فيه زكر. وانت جاي تركب عربيتك خليك فاكرني. وانت بتنزل منها خليك فاكرني. داخل بيتك على مراتك وولادك خليك فاكرني - [00:40:43](#)

خارج من بيتك لشغلك ومصالحك خليك فاكرني. صاحي من النوم اذكر الصباح خليك فاكرني راجع بالليل. اذكر المساء خليك فاكرني. خليك فاكرني قبل ما تشرب وبعد ما تشرب وقبل ما تاكل وبعد ما تاكل وقبل ما تنام وبعد ما تصحى خليك فاكرني في كل لحزة في حياتك. زي ما حدير لما النبي نسي يدي له هديته وهو - [00:40:53](#)
اهل اليمن سيدنا جبريل نزل فيما روي يعني. سيدنا جبريل نزل ذكر الرسول بحديد. لما حدير لقي ان ربنا هو اللي ذكر النبي به. قال اللهم كما لم تنس حذيرة اسمعي فاجعل حذيرا لا ينسك. فاجعل حازم لا ينسك. فاجعل الناس يا رب انك تقولي يا رب اجعلني - [00:41:13](#)

هو ده الفكر انك ما تنسيهوش. تقولي لربنا لا انساك. لا انساك ابدأ يا رب. يا اخواني ده جلسة الضحى ربنا خلى سوابها زي لان ده زكر وده زكر. شف ربنا بيحب الزكر لدرجة ايه! وانا معه حين يذكركني معه. سيدنا موسى لما قال ان معي ربي. ربنا شق له البحر. انا معه رئيس - [00:41:33](#)

هي تفرغ يوم لك ماشي معك. عديت حملة مرور الزابط يوقفك دخلت مصلحة حكومية موزف يغلس عليك. دخلت لجنة شفوي الدكتور يتقل الاسئلة معك ربنا معك. ربنا معك فان ذكرني في ملأ ذكرته في ملأ. تخيل ده اللي بيزكر اسمه في صفحة الوفيات ببيروزه. واللي - [00:41:53](#)

يذكر اسم صفحة الحوادم يا سلام سلم بقى ده. ده دخل التاريخ. ما بالك بقى انك انت الملك الجليل بيزكرك للملأ الاعلى تبقى مشهور وسط اهل السماوات. الذكر يا جماعة - [00:42:13](#)

ذكر الله. الرسول عليه الصلاة والسلام قال عن عشر ذي الحجة فاكثرُوا فيهن من التسبيح. والتحميد والتهليل والتكبير. قولوا معي. سبحان الله والحمد لله ولا اله الا الله والله اكبر. يعني ده ثوابهم ايه يا رسول الله؟ صح عن رسول الله صلى الله عليه وسلم ان ثواب كل كلمة بشجرة في - [00:42:23](#)

الجنة. ايه ده! يعني الاربع كلمات دول باربع شجرات في الجنة؟ اه. يعني لو قلتهم ميت مرة كل يوم بربعميت شجرة؟ اه. لو قلتهم الف مرة كل يوم اربع تلاف شجرة - [00:42:43](#)

تبقى اقطاعي زي اقطاعيين الدنيا كده. تبقى في الجنة عندك الاف الفداين وعشرات الالفانين. ولو صليت صلاة التسابيح كل يوم فيهم بتقول تلتميت مرة فيها سبحان الله والحمد لله ولا اله الا الله والله اكبر. اسألوا اي حد عن طريقته عشان الوقت بتاعنا تلتميت مرة يعني الف وميتين شجرة في الجنة. تخيل - [00:42:53](#)

انك كل يوم بتعمل حديقة الف وميتين شجرة في الجنة. مشروع خطير جدا يا جماعة مشروع الزكر ده مشروع في غاية الخطورة. العشر تيام دول ايام الذكر يا اخواني. ايام الذكر. ايام اعظم عمل صالح نعمله فيهم هو الذكر - [00:43:13](#)

اصابة البناني بيقول هذه ايام الذكر. بس تقعد تذكر ربنا ليل نهار. يبقى المشروع الثاني مشروع الذكر. مشروع الذاكرين الله. كثيرا والذاكرات. المشروع الثالث مشروع لبيك اللهم لبيك. ايه ده! مشروع التربية الفورية. مش هم هناك اول ما ربنا بيناديهم بيقولوا لبيك! احنا هنا اول ما ربنا هيناديناهنقول لبيك. يعني ايه؟ اول ما الادب - [00:43:29](#)

يقول الله اكبر. نقول لبيك اللهم لبيك. تجري على الجامع. تقطع الدنيا. جرب بقى انك تلبي. جرب انك تطبق عملي يا يا جماعة احنا امة كلام احنا بتوع كلام جربوا بقى نجرب عملي يا جماعة. والله العظيم الواحد لما يجرب في حياته مسألة انه اول ما الاذان يقول الله اكبر يسبب اللي في ايده ويروح الجامع. والله يا جماعة - [00:43:49](#)

الواحد بيبقى مهوش عارف فيه ايه انزل الجامع تصلي السنة تلاقي نفسك بتبكي. تيجي تدعي ربنا تلاقي نفسك انت مش عارف انت بتبكي ليه؟ انت حاسس مجرد انك قطعت الدنيا او قطعت - [00:44:09](#)

مزاكرة في الدين او اطعت مصالحك او اطعت وقفتك مع مراتك او قطعت كل حاجة عشان كلمة الله اكبر. ربنا بيملى قلبك كمية نور وكمية حب لك سبحانك يا رب. مشروع التلبية الفورية. مشروع اول ما يسمع الله اكبر نقطع. ده هيترب عليه المشروع اللي بعده وهو - [00:44:19](#)

وليمة كل صلاة. وليمة! اه. يعني تخيل كده لو قال لك كل ما هتنزل الجامع فيه وليمة كده خروف كده مشوي هتاخده. مين اللي مش هينزل الجامع ما حدش اهو ربنا سبحانه وتعالى بيقول لك ان اعد الله له نزلا كلما غضى او راح. كل ما تروح المسجد. وتيجي نزل زي وليمة زي ما كان - [00:44:39](#)

بيعد لك في الجنة ووليمة عظيمة بتعد لك. يعني ايه يا جماعة وليمة؟ يا اخواني لو انتم عملتم موضوع التربية الفورية ديت ونزلتم الجامع هتلق ثواب. اول حاجة عد معي الثواب - [00:44:59](#)

احنا غافلين عنه. سواب الوضوء. الوضوء لما الماية بتنزل انت مش بتنشف مية، انت بتنشف زنوب. عشان كده اسمه الوضوء من الضياء بتنور. بتنور لان زنوبك نزلت سواب الوضوء. سواب ترديد الاذان. سواب انك تدعي للنبي وتصلي عليه عليه الصلاة والسلام بعد الاذان وده بتنال شفاعته. سواب انك انت بتبكر للمسجد. سواب انك - [00:45:09](#)

تمشي للمسجد وكل خطوة ترفع درجة وتحط خطيئة. سواب انك انت بتلحق تدعي بين الاذان والاقامة دعاء لا يرد. سواب انك بتصلي السنة القبلية. اتناشر ركعة نفل مليون ببيت في الجنة. سواب انك بتلحق الصف الاول. سواب انك بتلحق تكبيرة الاحرام. سواب انك انت بتبقى خاشع في الصلاة. سواب انك بتلاقي نفسك عارف تصلي السنة - [00:45:29](#)

ثواب ثواب ثواب ثواب رهيب بنضيعه ليه؟ بنضيع كل ده ليه؟ الرؤية اللي النبي عليه الصلاة والسلام ثاها ربنا سألها فيها في الرؤيا يا محمد اتدري فيما يختصم الملاء الأعلى؟ قال نعم عليه الصلاة والسلام في الدرجات والكفارات في الدرجات والكفارات واسباغ الوضوء على السبرات اللي هو اسباغ الوضوء يعني في الشتا - [00:45:49](#)

في المية الباردة. وكثرة الخطى الى المساجد وانتظار الصلاة بعد الصلاة. يعني ايه؟ الملايكة مبهورة. من السواب اللي ربنا بيديه للي يبروح المسجد ويجي منه. طب انا واحدة ست في بيتك. السواب ده كله انك اول ما تسمعي الاذان تعملي الكلام ده في بيتك. طيب الملايكة مبهورة بني سواب اللي ربنا بيديه باللي يروح ينتظر الصلاة في - [00:46:09](#)

جامع. الملائكة مبهورة بالسواب بتاع الوضوء. يا اللي بتستقلوا الوضوء في الصلاة. يا اللي مش بتكسلوا في الصلاة عشان الوضوء. الملائكة فوق مبهورة مين سبب الوضوء؟ ثواب رهيب ويا سلام بقى لو دخلت الجامع بقى جزمتهك اتسرقت. يبقى السواب زاد بقى رهيب بقى. سواب اه احد اخوانا داخل الجامع لقى واحد حرامي ماسك في - [00:46:29](#)

شوال جزم الناس وخارج ماشي. فقال له ايه ده انت بتعمل ايه؟ قال له انا؟ قال له اه. قال له ده انا آآ ده انا واخدها معها. قال له كده طب خد جزمتي معها معهم بقى. سلام عليكم - [00:46:49](#)
يصلي. مشروع وليمة كل صلاة. يبقى قلنا لغاية دلوقتي مشروع الذكر ومشروع التلبية الفورية مشروع وليمة كل صلاة. مشروع ختم القرآن المشروع اللي بعد كده مشروع التكبير. مشروع احياء سنة التكبير. ابن عمر وابو هريرة كانوا بيخرجوا في الاسواق يكبروا - [00:46:59](#)

والناس تكبر. مش شرط ان كله في صوت واحد. صوت واحد مش صوت واحد الدنيا كلها تبقى كلها تكبير. احياء سنة التكبير. كبر وانت نايم على السرير. كبر وانت ماشي في الشارع. مش شرط تمشي في الشارع. الله اكبر الله اكبر. الله! مش شرط يعني! امشي! كبر يا اخي! كبر بصوت يسمعك! كبر ما تتكسفش يا اخي! كبر! كبر وانت في المواصلات - [00:47:19](#)

كبر في الوقت الفاضي. كبر وانت رايح مشاوير. كبر وانت صاحي من النوم رح المسجد بدري قبل الصلاة واقعد كبر. احياء سنة التكبير احياء. اللي عايزين يبقى ربنا بيحيي السنن على ايديهم يعملوا الكلام دهو. واولى الناس بالكلام ده ربنا يجعلنا منهم يا رب الدعاء. انهم يحوا هذه السنن. وهم في الشوارع. بعد كده مشروع - [00:47:39](#)
كيف تصبح مليونير او مالتى مليونير او مشروع قناطير الفردوس. يعني ايه قناطير الفردوس؟ قال رسول الله صلى الله عليه وسلم من قام الليل بالف في اية كتب من المقتنطرين - [00:47:59](#)

ايه الكنتار ده! القنطار ده سبعين الف دينار ذهب! الله! يعني الدينار ذهب ده يعني كم جرام! اربعة وربع جرام ذهب! الله! هو اربعة وربع جرام ذهب دول يعني بكام؟ بربعمية وتلاتين جنيه - [00:48:12](#)
يعني ربعمية وتلاتين جنيه في سبعين الف خمسة وتلاتين مليون جنيه خمسة وتلاتين مليون جنيه يعني المقتنطرين في الدنيا اللي عندهم خمسة وتلاتين مليون جنيه. اللي بيسموهم المالت مليونير. ده المالطي مليونير. اللي عنده خمسة وتلاتين مليون جنيه على - [00:48:22](#)

يبقى ده المقتنطر. الرسول عليه الصلاة والسلام يقول لك انت لو قمت للاف اية تاخذ خمسة وتلاتين مليون حسنة بازن الله سبحانه وتعالى. تخيل ايه الف اية دول الجزء التسعة وعشرين والتلاتين. جزئين بس. الجزء التسعة وعشرين والتلاتين والفاضة. يبقى انت كده عدت كمان الف اية. افضل تسع لياي ولا العشر لياي اعمل كده - [00:48:37](#)
والله تقدر تقدر عايز تجيب من الاول ما انتاش قادر هات مية ليلة تكتب من القانتين كما صح عن رسول الله صلى الله عليه وسلم ما انتاش قادر خالص عشر ايات عشان لا تكتب من - [00:48:57](#)

مشروع قناطير الفردوس قيام الليل عبادة المتميزين. مش اي حد بيقدري يقوم المتميزين. قيام الليل عبادة الاخيار المصطفين من الله الله مش اي حد بيقوم مش بمزاجك ده ربنا اللي بيقومك. قيام الليل عبادة المالت مليونير. عبادة الناس اللي عندها الاغنياء جدا في الحسنات. قيام الليل عبادة الناس اللي عندها - [00:49:07](#)

اوف قيام الليل شرف المؤمن شرفك يوم القيامة كله انك انت تبقى من القوامين. وشرفك عند الله. اللي خايف على شرفه يقوم الليل. مشروع قناطير الفردوس. المشروع اللي بعد كده مشروع حجة في بلدك. احج في بلدي! هيجيبوا الكعبة عندي ولا لا حجة في بلدك. الاعمال اللي تعدل الحج. ايه هي؟ من صلى الفجر في جماعة - [00:49:27](#)

والمرأة طبعاً في بيتها او جوزها ينزل معها او اخوها ينزل معها المسجد. من صلى الفجر في جماعة ثم جلس يذكر الله حتى تطلع الشمس. حسناء فله سم صلى ركعتين - [00:49:47](#)

له اجر حجة وعمرة تامة تامة. تامة. يبقى مشروع حج في بلدك. ولو اتوضيت عند كل فرض ونزلت صليت في الجامع جدت

وضوءك ونزلت صليت. الفرض الجامع باجر حجة برضو. يعني كل دي حجات مطروحة حج في بلدك. وفر خمسين الف جنيه. وخذ
خمسين الف حسنة. حج في بلدك. يبقى ده المشروع اللي بعد كده - [00:49:57](#)

المشروع اللي بعد كده مشروع الصيام. ايه مشروع الصيام؟ هنسميه مشروع الستمية وتلاتين سنة حجاب عن النار. يعني ايه؟ من
صام يوما في سبيل الله بعد الله وجهه عن النار سبعين - [00:50:18](#)

غريب! يا نهار ابيض! سبعين سنة! تخيل انت في وش الشمس بينك وبينها مين! مش تلاتة وتسعين مليون مين! انت عايز تبعد! طب آ
طب صم يوم بقى وابعد كمان آ - [00:50:28](#)

وابعد كمان ايه سبعين سنة اه يا ريت طب كمان يوم كمان مش هتبطل صيام صم بقى من الوقتي صم من دلوقتى من ختم له بصيام
دخل الجنة. ياه! اللي يموت - [00:50:38](#)

يدخل الجنة عليك بالصوم فانه لا عدل له. كل دي احاديث صحيحة عن رسول الله صلى الله عليه وسلم. كل عمل ابن ادم يضاعف لا
يكتب له الحسنة بعشر امثالها الا سبعمائة ضعف. الا - [00:50:48](#)

الصوم فانه لي اكثر من سبعمية. الصوم كل ده يا جماعة يبقى تسع تيام صيام لان يوم العيد حرام فيه سبعين سنة بعد عن النار يبقى
ستمية تلاتين سنة ستمية وتلاتين سنة. فيه بعد كده مشروع يوم عرفة. بعض الناس بتقول اعتكاف يوم عرفة بدعة. لا يا جماعة في
الشرح الكبير لابن قدامة. كتب الفقه الحنبلي يا جماعة - [00:50:59](#)

الامام احمد ابن حنبل لما سئل عن حاجة اسمها التعريف بالامصار. التعريف ان الناس تقلد عرفة اللي ما راحوش يحجوا يقلدوا عرفة.
بالامصار يعني البلاد يعني ايه؟ يعني الناس يوم عرفة تنزل تقعد في الجامع طول اليوم للمغرب. تدعي ربنا زي بتوع عرفة بالزبط.
فالامام احمد ابن حنبل امام اهل السنة لما سئل عن هذا قال لا ارى - [00:51:19](#)

به بأسا لا ارى به بأسا. اول واحد عمل ده اعتكف فيه وهو ما كانش حاج كان ابن عباس. بعد كده عمله سعيد ابن جبير وعمله كبار
التابعين وكبار السن - [00:51:39](#)

يبقى اللي بينكروا على الناس اللي بيعتكوا في يوم عرفة بينكروا ليه؟ يبقى مشروع يوم عرفة. هنفكر هنا مشروع الاخوة يا جماعة.
اللي هيعمل فطار لاصحابه او للناس يوم عرفة - [00:51:49](#)

بكل واحد هيفطره ثواب سنتين. زي بالظبط كده ثواب صيام عرفة بالظبط. فطر المغرب انزل معك كيس تمر ادي لده وادي الدالده.
الناس تقول ده بيعمل ايه؟ ده ييفطر الناس ليه - [00:51:59](#)

لان دي ايام صيام. ننشر العبادة يا جماعة. فطر كل اصحابك في العشر في التسع ايام دول. فطروا يا جماعة مشروع الاخوة. بعد كده
مشروع بر الوالدين. ابر الوالدين ده. اوعى - [00:52:09](#)

بر الوالدين. اوعى كان احد السلف له جار. بيقول كانت اذا نادت له امه قال انه قي نهيقك. اعوز بالله ايه ده؟ يعني بيقول لها نهائي.
اعوز بالله ايه ده؟ ايه العقوبة - [00:52:19](#)

يعني كانوا بيقولوا بيسبوا هم بايه؟ بالحمار. ايه ده! ايه العقوق ده! بيقول فلما مات كنا كلما مررنا على قبره سمعنا صوت نهيق كأن
ربنا مسكه حمار في قبره والعياذ بالله. الشباب اللي بيعقوا امهم وابوهم. البنات اللي مقطعين قلب امهم وابوهم عقوق. ما ينفعش. ما
ينفعش. ما تأمنيش المسخ بسبب العقوق ده - [00:52:29](#)

في القبر والعياذ بالله يبقى مشروع بر الوالدين بعد كده مشروع يوم عرفة يا جماعة ما ننساهاوش ابدا يوم اللي ربنا بيباهي اهل
السماء كلهم بنا يوم اللي ربنا سبحانه وتعالى بيعتق اكثر يوم ربنا بيعتق الرقاب. يوم العتقاء. يوم الدحر. الشيطان بيبقى ادحر ما
يكون واصغر ما يكون. يوم التجلي يوم ما ربنا بينزل السماء الدنيا - [00:52:49](#)

يوم اجابة الدعوات يوم عرفة يا جماعة. التعريف بالامصار اللي هو الامة كلها. تعتكف في الجامع يوم عرفة. يا الهي! الام يبقى يوم
اعتكاف جمال الامة كلها ايه ده! ايه يا رب ده! ايه ايه المشاريع وبعد كده المشروع اللي بعد كده مشروع يوم العيد اللي هو افضل يوم
في الدنيا كلها عند ربنا. افضل يوم في العشر تيام هو يوم العيد - [00:53:09](#)

يعني يوم العيد نعيد؟ لأ يوم العيد ده يوم بقى صلة الرحم. يوم الاضحية انا عايز انبهكم لحاجة قبل ما اسيبكم يا جماعة. حديس

صح عن رسول الله صلى الله عليه وسلم حسنه الالباني - [00:53:29](#)

انه ما من عبد كان عنده يسر او من كان او من وجد يسرا فلم يضحي ما ذبحش خروف او شارك في دبح آ بقره او او دبح بقره او دبح خروف ما من عبد يجد يسرا ولم يضحي فلا يقربن مصلانا. ما يجيش يصلي معنا. حسنه الالباني. اهدا عشان - [00:53:39](#)

ابن تيمية قال الاضحية على القدر واجبة. انك انت تدفع الف جنيه في خروف ما دام معك فلوس واجبة. ما دام معك عشر تلاف جنيهه عشان الواجبة عليه. ايه ده! يعني يا جماعة الاضحية خطيرة لدي. شوفوا الحديس اللي ذكره - [00:53:59](#)

الشيخ احمد شاكى بقى وهو محقق احاديس ابن كثير في عمدة التفاسير. بيقول احب عمل الى الله يعمله ابن ادم. يوم النحر اللي هو اول يوم العيد. اهراق ان الدم يهاق. ان ان هو يدبح لله سبحانه وتعالى - [00:54:09](#)

وانها تأتي يوم القيامة بقرونها واطلافاها واشعارها. تلاقيها يوم القيامة دي شف بقى انت اخترت لربنا حاجة. قد ايه تلاقيها يوم القيامة مستنيك. عشان تبقى في ثوابك وفي ميزانك وان الدم يقع من الله بمكان قبل ان يقع على الارض. فطيبوا بها نفسا. تخيلوا يا جماعة

تخيلوا يا جماعة تخيلوا السواب ده هو بتاع الاضحية ما نضيعوش - [00:54:23](#)

ما نضيعش ابدأ كل ده تبع يوم العيد. طبعاً فيه فرص لا تعوض ابدأ. فرص ذهبية مشروع فرص ذهبية ان احنا عايزين نخرج من

العشر تيام دول بعشر بيوت وعشر قصور في الجنة - [00:54:43](#)

ازاي؟ العشر بيوت دول بايه؟ ان كل يوم تصلي التناشر ركعة سنة راتبة. الاثنين اللي قبل الفجر الستة اللي مع الظهر. الاثنين اللي

بعد المغرب والاثنين اللي بعد العشاء. وكل يوم - [00:54:53](#)

تقرأ قل هو الله احد عشر مرات بقصر في الجنة. يبقى عشر بيوت وعشر ايه؟ وعشر قصور. طيب انا واحد مشغول وانت وانا واحدة مشغولة وانا عندي امتحانات وانا عندي تجارتي وانا عندي شركاتي وانا عندي عقاراتي. وانا عندي بنام كتير وانا نعمل ايه؟ اديني نص

ساعة قبل كل صلاة او بعد كل صلاة. نص ساعة بعد كل صلاة واسعة - [00:55:03](#)

قبل الفكر. النص ساعة اللي بعد كل صلاة هتنزل الجامع بتصلي وبعد ما تصلي النص هتقرأ القرآن وتذكر وتقعّد تقول سبحان الله

والحمد لله ولا اله الا الله والله اكبر. والساعة اللي قبل الفجر هتقوم تقوم - [00:55:23](#)

الليل بميت اية تبقى انت كده من القانتين يبقى انت كده ان شاء الله على الطريق باذن الله سبحانه وتعالى تبقى راجل ملطي

ناشيونال جروب بس جروب اخروية بقى صاحب - [00:55:33](#)

مجموعة مشاريع ارباحها اقبطها امتي؟ هتقبضها في القبر وعند الموت وفي الميزان وفي الدنيا. وساعة العرض على الله وفي

درجات الجنة. المشاريع يا جماعة مشروع احياء سنة التكبير. مشروع الذكر. مشروع التلبية الفورية لبيك اللهم لبيك حين سماع

النداء. مشروع وليمة كل صلاة. مشروع ختم القرآن. مشروع - [00:55:43](#)

صيام ستمية وتلاتين سنة حجاب عن النار. مشروع حجة في بلدك جلسة الضحى. مشروع قناطر الفردوس انك تقوم الليل بالف اية

او بميت اية الاخوة في الله انك تفطر اخوانك وتفطر الناس. مشروع بر الوالدين انك تجتهد في البر. مشروع يوم عرفة الاعتكاف

طول اليوم تدعي وتبتهل. مشروع - [00:56:03](#)

وانك تفطر الناس يوم عرفة مشروع آ يوم النحر الاكبر او يوم الحج الاكبر او يوم العيد مشروع يوم العيد اللي هو صلة الرحم بقى

وانك انت تصل الرحم وتتصل - [00:56:24](#)

لكل الناس وتبزل ده اعزم يوم عند ربنا. طلع لقرايبك كل ما كل ما تستطيع انك تطلعهم لهم من الهدايا. ده عبادتك يومئها. النحر الدبح

وصل صلة الرحم. الدومة ده عند بطولة ده انت بتاخذ سواب لا تدري مداه. تخيل يا حبيب قلبي. يا جماعة كله يهدي بعضه على قد ما

يقدر يا جماعة. في هذا اليوم وبعد كده مشروع فرص ذهبية عشر بيوت في - [00:56:34](#)

وعشر قصور في الجنة. وبعد كده للمشغولين. طيب احنا عملنا ايه عشان وصلنا لنهاية الحلقة؟ احنا عملنا ورقة اسمها صفحة جديدة

مع الله. في افضل ايام ده تصميم لها. تصميم تصميم ظريف جدا وفي غاية الجمال يعني. وده تصميم ثاني لنفس الورقة بالوان تانية.

يعني عرض مميز جدا زي ما بيقولوا يعني. وفيه تصميم - 00:56:54

يوم تالت ان شاء الله بازن الله. المقصد يا اخواني ان صفحة جديدة مع الله ده احنا يعني يعني بفضل الله ربنا من علينا. كتبته بفضل الله بفضل الملك الجليل سبحانه وتعالى. وربنا - 00:57:14

ابارك في اخواني اللي كان لهم دور. وودناها للشيخ محمد يعقوب ربنا يبارك فيه استازنا وشيخنا الاستاز بتاعنا كلنا طبعاً. ويراجعها ربنا يبارك فيه. وعملنا ورقة صفحة جديدة مع الله اللي فيها كل - 00:57:24

المشاريع اللي قلته لكم ده ايه؟ ورقة مشجعة جدا جدا وربنا كتب لها قبول جميل جدا بفضل الله سبحانه وتعالى. الورقة الوقتي اللي عايزها تجيبها يعمل ايه؟ يا اما على الموقع هتدخل بعد الحلقة - 00:57:34

هتقدر تسحبها بسكانر على موقع وي تو الله. على موقع الطريق الى الله. تسحب الورقة بسكانر عشان اللي في السعودية اللي في الخليج اللي في المغرب ياخذها هيوديها لاي واحد بتاع مطبعة يطبعها له يطبع الف الفين يوزع. كل واحد هينفذ الكلام ده في

ميزانك. ازاي؟ مش دي احب الايام الى الله؟ اه - 00:57:44

الدعوة اليها احب دعوة الى الله. وكل واحد هينفذ حاجة من الكلام ده في ميزانك. يا جماعة فرصة رهيبة. اشتغلوا يا جماعة. احد اخواني جاي من ماليزيا النهاردة جاي من ماليزيا من - 00:58:04

بيقول مش ممكن كمية الفساد اللي بين المسلمين هناك. مش ممكن الوثنيين اللي هناك. وراني صورة وسن في شارع وسن في مكان. وحواليه اكل لسه الناس بتقدم بتوع الكترونيات وعابرة بيقدموها اكل للوسد زي المنازر اللي بنشوفها في افلام آآ الهجرة بيقدموها اكل

للووسط وراني الوزن وراني الاكل - 00:58:14

ايه واحنا عايشين ربنا بيتعامل سبحانه وتعالى في واحدة نيته ايه يا جماعة ده؟ ازاي ازاي في حين ان بقى الاخبار الجميلة في الدعوة ان كل سنة في المانيا ببسلم عشر تلاف الماني. جديد. يعني فيه امل يا جماعة بس نشغل. بس نجتهد يا جماعة - 00:58:34

نوصل الليل بالنهار في الدعوة. طيب اللي مش هيعرف يدخل على الموقع يسحب الورقة بسكانر ويطلعها وينشرها ويوزعها يعمل ايه؟ عملنا رقم خيري تتصل به او تتصلي به لو انت عايز منها خمسمية نسخة الف نسخة عشان ننشر يا جماعة. عشان الناس كلها

تستيقظ. عشان الموسم الخطير ده الناس تحس بخطورته. يا جماعة عايزين الامة كلها - 00:58:49

تحسي انها عشر ذي الحجة. والله ربنا يعلم. انا يعني ما اعرفش الكلام قصر ولا ما قصرش. انما والله ربنا يعلم انا يا جماعة انا انا دمي اتحرق. انا قلبي اتحرق - 00:59:09

عشان اقدر اوصل لكم باقى ما استطيع. يعني ايه عشر ذي الحجة؟ يعني ايه الموسم؟ يعني المفروض الايام بتبقى اشد من رمضان ازاي؟ ازاي يا جماعة الامة كلها لازم تستيقظ - 00:59:19

في الايام دي عملنا رقم خيري عشان ناخذ الورق ده للي عايز كمية منه جاهزة ايا ما كان مكانه بقى في مصر ان شاء الله. الرقم الخيري صفر عشرة اكتبوا على محمولكم بسرعة او احفظوا. هو سهل ان شاء الله. صفر عشرة تسسمية - 00:59:29

خمستاشر ثلاثة وتمانين. نقول ثاني صفر عشرة تسسمية خمستاشر ثلاثة وتمانين. طيب دلوقتي يا اخواني لو حد مسلا يعني شريط مسلا زي الشريط اللي احنا اديناه الليلة الدرس الليلة - 00:59:45

يعني برضو الاخوة اللي ماسكين الرقم ده بازن الله سبحانه وتعالى تبع شركة من شركات هيطبعوا الشريط ده وهيعملوه سيديهاات ويعملوه شرائط. اللي عايز توزع منها خيري لله سبحانه وتعالى برضو نفس الرقم يتصل. اللي عايز من الشريط بتاع الليلة يساعد ان

حد يعرف حاجة عن الموضوع الخطير ده. عن الايام الرهيبة دي عن الربيع - 01:00:00

الساعة اللي باقية في لجنة الامتحان دي عن الاعزم فرصة في حياتنا ده ايه ويبقى داعي الى الله ويبقى موقر للامة في هذه الفترة العصيبة نفس الرقم برضو صفر عشرة - 01:00:20

تسسمية خمستاشر ثلاثة وتمانين ويعلم الله انا ما بطقش ابغض شيه لقلبي ان انا اوزع شرائط لي او ان انا اقول على شريط لي ولا بحب اعمل حاجة من الكلام ده خالص. خالص لو - 01:00:30

خير ربنا اللي هينشرها. ولكن والله يا جماعة انا في حكم المضطر اعمل ايه؟ ايام خطيرة وموسم خطير. والواحد هيموت عشان الامة تعرف. السواب ده ولازم ننشر لازم نشتغل في الدعوة. طيب في آآ برضو آآ شريط يعني لا اسمه آآ احياء سنة التكبير. الناس قاعدة تكبر فيه. كده. ده ممكن تشغله تلاقي صوت التكبير - [01:00:40](#)

بتاع الميكروباص يشغلوا صوت التكبير يبقى يعني بحبس ان احنا نحيا سنة التكبير في كل مكان. برضو موجود تبع نفس الرقم آآ للي عايز منه بتمن مخفض جدا للغاية طيب يا جماعة اللي عايز يسخن بقى في الاسبوع ده قبل ما العشر ايام بيدأم اللي عايز يسخن بقى على يوم الجمعة الجاية على موقع وي تو الله موقع الطريق الى الله. عملنا ملف لاحسن شرائط - [01:01:00](#)

عن عشر ذي الحجة لمشايخنا الكبار بقى الشيخ يعقوب والشيخ مسعد. والشيخ محمود المصري ومشايخنا الكبار ربنا يبارك فيهم. والشيخ محمد ابن اسماعيل والشيخ المنجد عملنا ملف لاجمل شرائط عن عشر ذي الحجة اللي هيدخل ان شاء الله هيلاقى الملف موجود يسمع كل يوم شريط يشحن عشان اول ما ييجوا ينطلق انطلاق رهيب هنعمل ايه - [01:01:20](#)

في الاسبوع ده الاسبوع ده هنعمل ايه ما هو الكلام ده هيبدأ الجمعة الجاية مسلا او الخميس بالليل او الجمعة بالليل نعمل ايه هنعمل بروفة على الكلام ده بروفة يعني ايه بروفة؟ هنكلم كل الناس - [01:01:40](#)

عن الكلام اللي سمعناه النهاردة. هنكلم كل الناس هنتكلم عن احب الاعمال الى الله. واحب الايام الى الله. عشان ربنا يحبنا. وهنبداً ان شاء الله المشاريع ديت نبدأ طبق نبدأ نصوم. نبدأ - [01:01:50](#)

القرآن. نبدأ نسخن كده يا جماعة. اه ده بس ده الكلام ده بعد اسبوع. اسبوع ايه يا ابني! ده اليوم بيعدي في دقيقة. اسبوع ده رمضان الجاي ان شاء الله بعد اسبوع. بعد ده اليوم عاد بيعدي في الدقيقة يا جماعة - [01:02:00](#)

خلاص نجتهد بقى ان شاء الله ونجيب اخرنا بازن الله سبحانه وتعالى. مين ناوي يا ترى في العشرة من ذي الحجة ديت؟ هيبقى حجابك شكله ايه؟ هيبقى غضك للبصر شكله ايه - [01:02:10](#)

الشناوي يا جماعة ان هو الشغل بتاعه يطلع من الشغل بتاعه على الجامع يفضل لغاية المغرب يروح يفطر في البيت يعبد ربنا. مين ناوي ان هو لو ما عندوش شغل في اليوم ده ينزل الجامع من الصبح يفضل يعبد لغاية المغرب - [01:02:20](#)

يرجع يفطر ويعبد ربنا. وينام بعد العشاء عشان يصحى يقوم الليل. مين ناوية انها تلبس حجاب امهات المؤمنين نقاب لله في هذه الايام؟ اللي بيضاعف فيها الحسنات. يبقى بسبب سبعميت - [01:02:30](#)

يا الهي! مين ناوي انه يتغير في الايام دي؟ مين ناوي ان هو ينشر في كل مكان فضل الايام دي احفز الكلام اللي قلته وانشره في كل مكان الشناوي يا جماعة ان هو يعرف الدنيا كلها. ييجي واحد يقول لك اسكت مش حصل قل له اسكت انت انت ما انتاش عارف

الايام دي فيها ايه. ده فيها وفيها وفيها. مين ناوي يا جماعة يبقى جندي من جنود ربنا - [01:02:40](#)

في ايقاف امة محمد بهذا الموسم الخطير اعظم هذه الايام ومين ناوي يقول يا رب دي احب الايام اليك انا يا رب من حبي لك هعبدك ليل نهار فيها يا رب - [01:03:00](#)

هعبدك ليل نهار انا خايف افطر لأ اهجم اللي بيهجم ما بيدافعش اهجم انطلق اجتهد ربنا معكم. ربنا معك. ربنا معنا كلنا يا جماعة. ان شاء الله ربنا بيحب العبادة في الايام دي فهيعينا. لانه بيحبنا وبيحب العبادة في الايام ديت. وفتح لنا الباب دي رحمة بنا

وحب لنا - [01:03:10](#)

هو حب ان احنا نرتقي. ربنا مش ربنا بيحبنا. عشان كده مش هيسيبنا. ان شاء الله بازن الله ومش هيخزلنا ان شاء الله. وهيفتح لنا ابواب طاعة وهيستعملنا وهينصر الدين على ايدينا. بازن الله - [01:03:28](#)

سبحانه وتعالى. اللهم بلغنا عشر ذي الحجة اللهم بلغنا عشر ذي الحجة. اللهم اعنا فيها على ذكرك وشكرك وحسن عبادتك. اللهم استعملنا فيها في طاعتك في كل ساعة. وفي كل دقيقة من - [01:03:38](#)

ونهارها. اللهم احي ليلها ونهارها بطاعتك. اللهم ايقظ امة محمد فيها يا رب. اللهم ايقظ امة محمد في يا رب. اللهم انقذ شباب الامة وفتيات الامة ورجال الامة ونساء الامة واطفال الامة فيها يا رب. اللهم اجعلها ايام ذكر ليلا ونهارا يا رب - [01:03:53](#)

يا رب يا رب استعملنا ولا تستبدلنا يا رب اهدنا واهد بنا. يا رب استعملنا في طاعتك ليلا ونهارا يا رب. نسألك من فضلك الواسع

العظيم لا تخذلنا لا تتولى عنا لا تتركنا. تب علينا - 01:04:13

- 01:04:33